

Nwàk nè Pol à Còm Fa Bùu sè Mvwe' Lak KÒLOSÌ

Lak Kòlosì sè à ye mvwe' nzenḡòḡ Esiyà. Pol a fa ntum ye bə nza' cos fana yi sə tumsə lo ke' ḡḡàa fàk wèḡ mvwe' coos sə wùriḡ. Yi ànə yuk də cicàa mok à kè dzèḡ mvwe' cos Kòlosì nə, nə sə yə'rə fa bwiḡ də, a ye-a ḡḡa ḡwè dzəm də yi riḡ Nwi, nə tse' lùḡ nə dak àɛ, ḡḡəḡḡàḡ tse' ḡḡòkùksə ḡàaḡ mok sè yà'a yòḡsə. Wo sə yə'rə sè' də ḡwè tse' ḡḡòdzè nsàap zuzuu mok nə ḡu tsooḡ bum mok co ḡḡòkom tu mbəmbam sè'.

Pol à còm ḡḡòrēḡsə fa wo də Jisòos mo Nwi nə yi tse' liḡ nə casə bum sè Nwi à ḡù lòoḡ. Yi tse' ḡàaḡ sè ḡḡòlùḡsə ḡwè sə yi, də bum mok sè wo sə yə'rə fa wo yà'a jə ḡesə lòḡè ḡwè səsap bohòJisòs nə. Nwi ànə ḡu nzenḡòḡ nə ndzə bohòJisòs fana mvə'nə bum sə ànə sam bəp fana yi sə ḡù bəḡsə fəsə yà' sè' ndzə bohòJisòs nə. A ye-a də ḡwè nə tse' lùḡ fana, yà' mèḡù bə liḡ Jisòs.

¹ Sə còm ḡwàk nè'e mùu Pol nə Nwi a cokfis mū ḡḡòye ḡḡa ntum Jisòs Krest, ves moma àvès Timatì.

² Vès sə còm fa nà' bohòbùu Nwi sè mvwe' lak Kòlosì sè wo sə bə' Jisòs Krest bə nə zinə. Tà Nwii fa wēḡ fifi, nə ḡu wēḡ bəboḡ

*Pol Kwasə Bùu Kòlosì
Nə Lēḡ Fa Wo Pìriyà Sè'*

³ Ghà nè vèes lɛŋgè Nwì nè yi Tè'ɛ Tà Jisòs Krest àvès bùu wèŋ pwe', vès sɛ kwasə yi.

⁴ Vèes kwasəgè yi vɛ'nə bùusè vès a yuk mvè'nè wèŋ a fa ntum awèŋ bohòJisòs Krest, nè ye mvè'nè wèŋ sɛ dzəm bùu Nwì wèŋ pwe'.

⁵ Vès rì dɛ wèŋ tse' nsàp ntum ànə bùusè wèŋ riŋ bum sè Nwì a nònɔsə fa wɛŋ mɛbu bəboŋni. Wèŋ ànə yuk bum yè'sə ndzənə Ntirè nè Bəboŋ nè nà'a zìnə nə.

⁶ Ntirè ènə sɛ yuhu lòsənə ŋgònə lòoŋ. Bwiŋ yuk nà' fana nà' sɛ kupsə ntum awo. Nà' sɛ gɛ bwiŋ wùriŋ ŋgòdzəm bohòJisòs Krest. A sè' zɛŋ nè nà' à dzɛŋ bohòwèŋ, nè kupsə ntum awèŋ sè'. Yè'sə ànə yeto ghà nè wèŋ ànə yuk bəbo nè Nwì, nè rɛɛŋ zìnə nè yi sɛ gù bohòŋgàa gù bɔp wèŋ.

⁷ Anə tsok to fa wɛŋ ntirè ènə Ipafràs. Vès dzəm yi vɛ'ɛ wùriŋ. Venə wèŋ fàkgè bohòJisòs Krest bəbɛ'. Yi tɛ mɛŋgorè wèŋ fa'nə mvwe' kùu avès, nè sɛ fak bohòJisòs Krest bə ntum nè mò'fis.

⁸ Yi a tsè' ves yi dɛ wèŋ tse' dzədzəm bohòbwiŋ, nsàp nè nà' vè bohòYònsè Nwì.

⁹ Ye jəŋ mvè'nè vès à yuk bum yè'sə fana vès sɛ lɛŋ fa wɛŋ Nwì nùumbu pwe'. Vès sɛ lɛŋ yi dɛ yi gɛ wɛŋ ŋgòri bum sè yi dzəm yà' pwe'fo' jəja paam. Yà' a ye vɛ'nə, wèŋ tse' nsàp ŋkərè nè nà' vè bohòYònsè ye, fana wèŋ rɛɛŋ bum ye pwe' nè pwe'.

¹⁰ Ŋkərè ànə nə gɛ wɛŋ ŋgòcu nsàp nè kəkərè co bùu Nwì, nè gɛ bum nsàp nè yà'a sɛ boŋ yi, nè sɛ riŋ ghaha lo bum Tà Nwì mantombi.

11 Nwii gu wenj bæ òààŋ ye sè yà' ghak yà pwe', ògòko ntum, nè təəŋ gũgũŋ ya a ye-a sè yà pwe', wèŋ sè lo mali mantombi bæ kwəkwa.

12 Wèèŋ sè gù vɛ'nə wèŋ sè kwasə Tà Nwì àvès ghà yà lònŋ bùusè a yi nè yi a gù wenj ògòye kəkurè ya wèèŋ kə tse' ma njàwèŋ sənə bum sè yi a fùhù nòŋsə fa bùu ye wèŋ yà' mvwe' mareŋ sə.

13 Yi a jə fis gesə ves mvwe' ndzəm, nè nòŋsə ves mvwe' mareŋ nè mo ye nè yi dzəm nà' cu ŋkum fo' yi.

14 Mo ye ànə swifa ves bup avès, nè ywiŋ tiŋ fəsə ves bohòbup.

Jisòs Tse' Nàŋ Pwe' Yi

15 Nwèh nəmòk ka Nwì bæ lis ye yuk. Mo ye nè bwij à yə yuk yi a nitsè' fa ves mvè'nè Nwì cu yi. Yi mo Nwì nè yi tse' liŋ nè casə bum sè Nwì à gù lònŋ.

16 Nwì à gù bum pwe'fo' ndzə bohòyi mo ye nè. Bum sè yà' cu sè nze co lis ye yà', bæ sè yà' cu mabu co lis kà yə wèŋ, co ze' bæ masinjàa Nwì, nè ye nsàp òàŋ nè fòpwe' nè nà' cu. Bum yè'sə pwe', Nwì à gù yà' ndzə bohòyi, fana gu yà' də yà'a sè yuk bohòyi.

17 Mook sè' də Jisòs Krèst à ye to mantombi yi. Bum pwe' cu lààŋ mvè'nè yà'a yè'sə sè' bùu Jisòs Krèst nè.

18 Nə ye fe'lə sè' də, yi tu bohòcos nè nà'a ni' ye nè sè' yi. Yi à yèto cos yi, bùusè yi à lòkok to mvwe' kpə yi. Yi mantombi bæ bum yè'sə pwe' vɛ'nə, də ya a ye-a sè yà lònŋ, yi megu ye òwèh nè mantombi.

19 Bum yè'sə vɛ'nə bùusè ànə boŋ kok Nwì də mo ye ye sè' ŋgàŋ mvə'nè yi Nwì yi cu bə tu ye pwe' nə pwe'.

20 Fana yi jəŋ mo ye nə, nə tes ŋkèŋ bə zəŋ, ya bum pwe' ye fe'lə cù mò'fis sèmok. Yi à be'lə bum sè sə nze bə sè mabu ŋgòye cù mò'fis ndzə ni'i yi vɛ'nə bə kpɛ mo ye nə yi à kpɛ muntəəŋ nə.

21 Mvək mòk à ye fa' sè' nə wəŋ Nwì wèŋ à ka ŋge' yeŋ. Yà' à ye vɛ'nə bùusè wèŋ à sə tsərə bɔp, nə sə gɛ sè' bum sè bɔp.

22 Nə ye də nə ŋga'a nè'e, Nwì a gù də wənə wèŋ ye fe'lə ŋge' sèmok. Yi a gù yè'sə bə kpɛ mo ye muntəəŋ, nə yi a kpɛ bə ŋgùpni' co ŋwè. Yi à kpɛ də ya wèŋ tse' ntəm sè rərəŋ; ya wèŋ kə təəŋ mantombii Nwì ŋga wèŋ rərəŋ nə ye jì jòŋ zìnə bə zìnə.

23 Wèŋ nə təəŋ mantombii Nwì rərəŋ vɛ'nə ŋga wèŋ nòŋsə mali-a ntəm bə ncèp nə Jisòs nə, ŋga wèŋ tə gugəŋ, nə kà tsòhò, nə sə naaŋ tu bə bum sè Ntirè nə Bèboŋ nə à tsè' to wəŋ də wèŋ nə tse' sə. Nà' mègù sè' Ntirè nə Bèboŋ nə wo à tsòho fa bwìŋ ma nə fòlòŋ nə. A zəŋ nə mùu Pol, mù sə tsòho fa bwìŋ.

Pol Sə Jihì Nzòŋ NgòFàk Gugəŋ

24 Mvə'nè mù sə yə ŋgə' bùu tu awèŋ, mù sə kwa kwa. Mù sə kwa vɛ'nə bùusè mù sə yə ŋgə' sè' mvə'nè Jisòs Krèst ànə ye ŋgə' sè' bùu cos nə nà'a ni' ye, də ya ŋgə' nə yi sə yə nə kə gɛ mesə fàak ye.

²⁵ Mũ ñgà fàk bùu cos wèñ. A gèsə fa mũ fàak yè'sə ndzə bohòmù Nwì, də ya mũ tēsə wèñ. Fàak sə duk də, mũ tsoho fa bwìñ yusə yà' cu ndzəñə Ntirè nè Bəboñ lònñ fo'.

²⁶ Ncèp nè mũ sə tsə' fa bwìñ ènə, a cà lùumñgòn cèbùè ñga nà' cu səswihi, bwìñ kà rì. Nè ñga'a nè'e yi a fis vè nà' mok jəja bohòbùu ye wèñ.

²⁷ Yà' à bònwì də yi jəñ ncèp nè nà' à ye səswihi ènə, nè niñtsok fa bùu ye wèñ nà' mvè'nè nà' yam bòo, nè niñtsok fe'lə nsàp mañgəñgèñ swe' nè nà' tse' bohònzenğònə pwe'. Ncèp nè nà'a rēñ vè ènə, nà'a də, Jisòs Krest cu sə ntùu wèñ, fana aco wèñ naañ tu də wèñ nè kə tse' ma njàwèñ sənə bònñ Nwì sə.

²⁸ Nà'a njo nè vès sə tsòho fa bwìñ Jisòs Krest nùumbu pwe' nè. Vès sə cep soñ bwìñ ntu', nè sə yərə wo bə ñkərè sè', də ya ndàañwè pwe' nè yi ñwəə Jisòs Krest kə dzeñ mvè'nè Nwì sə dzəm.

²⁹ Mù sə fàk gəgəñ bə bum yè'sə lònñ, nè sə jihi nzòn də mũ gə mesə fàak ye sə bə ñàañ sè Nwì gèsə fa mũ.

2

Pol Tsərə Krətèeñ Mok

Yà'a Sè'

¹ Mù dzəm ñgòtsə' fa wèñ də wèñ cu sə ntùu mù vè'e gəgəñ wùriñ. Krətèeñ sə mvwe' lak Làòdisiyà bə mok sè vesi wèñ ka si bə si ntòyenə yuk yà'a pwe', wo cu sè' sə ntùu mù.

² Mù lɛŋgè Nwì m̀ tuhù wèŋ vɛ'nə də ya ŋga wèŋ sə tse' dzədzəm bohòmòk bə mòk. Ya dzədzəm ènə jəŋ be'lə və wəŋ mvwe' mò'fis nə sə kwɛ'sə wəŋ. M̀ sə lɛŋ sè' də Nwìi rɛŋsə fa wəŋ yu nè nà' cu səswhì nè nà'a Jisòs Krɛst, ya wèŋ rɛŋtse' bə zəŋ bəboŋni.

³ Jisòs Krɛst mègù yi nè mò'fis nè yi co ki ncù sè aco yi muk fa bwìŋ mandzè nè ŋgòrì ŋkərè nè ma nè Nwì. Nsàp ŋkərè ènə nà' tse' swe' bohòŋwè nè yi rì nà' nə wùriŋ.

⁴ M̀ sə tsè' wəŋ yè'sə də ya ŋga ŋwè nəmòok kà wəŋ bə cù kè bòrè.

⁵ M̀ sə cèp yè'sə bùusè a sə kà-a si bə si sè yenə, m̀ sə tsərə wəŋ də vesùwèŋ bəbɛ'. M̀ nə sə kwa ŋga bum pwe' sə lòlàŋ, wèŋ sə təŋ mali gũgũŋ ŋgòfa ntəm awèŋ bohòJisòs Krɛst.

Nwèe Kà Wəŋ Bə Ŋkərè Nzɛŋgòŋ Bòrè

⁶ Yusè gũgũŋ sə də, wèŋ a jə Jisòs Krɛst co Tà àwèŋ laŋ fana, wèŋ gi-a mok co bùu ye sè zinə.

⁷ Wèŋ sə jəŋ ŋàŋ awèŋ bohòyi, nə sə kuk lo mantombì. Wèŋ fa mam mali ntəm awèŋ bohòyi mvè'nè wo à yə'rə to wəŋ, nə sə kwasə Nwì ghà yà lòŋ.

⁸ Wèŋ jəŋ ŋkərè də ya ŋwè nəmòok kà wəŋ bə ŋkərè nzɛŋgòŋ nè nà' ka fàk tse' nè'e bòrè. Nsàp ŋkərè ànə tesə kokgè sə vèə bwìŋ, nə ye bə yòŋsəə ze' wèŋ. Nà'a kà bohòJisòs Krɛst tesə vègè.

⁹ Zinə nè nà' a ca nə də, Jisòs Krɛst nə cu bə tu ye pwe' nè pwe' mvè'nè yi Nwì yi cu sə.

¹⁰ Wèṅ tse'-a Jisòs Krèst, ye dè wèṅ sà kà yumok sè yà'a ma nè Nwì mok jamè. Yì ṅkum, nè tse' ṅàṅ mütuhù yòṅsèè ze' wèṅ pwe' yì.

¹¹ A yà'sè sè' dè, wèṅ ànè be'lè wèṅ Jisòs Krèst mvwe' mò'fis, fana yì à gwè fa wèṅ ṅgwè nè ṅgònìtsè' bwìṅ dè wèṅ bùu ye wèṅ. A ye mantombì fa', Nwì à fa bùu Jus wèṅ ṅgwè nè njàwo ṅgònìtsè' fa bwìṅ, à ye dè wo kom fa wo tu mbəmbam. Nè ṅga'a ṅgwè nè njàwèṅ ka yusè wo gùgè yà' bə bo bwìṅ yeṅ. Njàwèṅ nè nà' vè bohòJisòs Krèst, mvè'nè yì ànè fis mak gesè ntum awèṅ sè bup sè wèṅ à tse' to mantombì yà'a.

¹² Ghà nè wo ànè baptəsə wèṅ, yà' à ye yà'sè co wo tuuṅ be'lè wèṅ Jisòs Krèst, nè lokok be'lè mvwe' kpə sè' wenə wèṅ bəbɛ'. Yè'sə vɛ'nə bùusè wèṅ ànè dzəmtse' bə ṅàṅ Nwì sè yì ànè lokoksə Jisòs Krèst mvwe' kpə bə zèṅ.

¹³ Wèṅ ànè ye co bùu sè wo à kpə laṅ bùusè wèṅ à gù bup, nè ye fe'lè bùusè wèṅ à ka ṅgwè nè ṅgònìtsè' dè wèṅ bùu Nwì tse'. Fana Nwì swi fa vesùwèṅ bup avès, nè lokoksə ves Jisòs wèṅ mvwe' kpə bəbɛ'.

¹⁴ Vesùwèṅ ànè gbə nzak laṅ bùusè vès ànè ka lùuk Nwì nonşə. Nwì yis fis fa vesùwèṅ nzak nè pwe', nè naṅ gesè lo mütuhù Jisòs Krèst ghà nè yì à kpə muntəṅ nà'a.

¹⁵ Yì à jə gesə ṅàṅ yòṅsèè ze' bə kpə ye nè muntəṅ ànè fana nè niṅtsok fa bwìṅ jəja kwarəṅṅ dè ṅàṅ ye gha' ṅàṅ yòṅsèè sè bup lònṅ fo'.

Bum Sè Yà' Ka Fàk Bohòŋwèà Jisòs Tse'

¹⁶ Bə bum yè'sə pwe'fo', kà də wèŋ fa mandzè də ŋwè nəmòok nonṣə fa wəŋ nsàp lùk mòk də wèŋ tse' ŋgògù yà' co də zə nə no megu nsàp yu nè'e, nə kà nsàp nè'e ye duk. Nwèe kà də yi gu fa wəŋ lùk bə nsàp yu nè wèŋ tse' ŋgògù bə ŋkàak lùmŋgòn, ŋwɛ-fi nə ye co nùumbu dzè wèŋ sè' duk.

¹⁷ Bum yà'sə pwe' co tsətsən. Yà' sə nì gèsə lòmantombì bə yu nè nà'a nè kè ye nə. Yu nè tsətsèŋ yè'sə sə nì gesə lòzən nə, Jisòs Krèst bə tu ye.

¹⁸ Kà də wèŋ yu'rə bohòbùu sè wo sə làp mandzè ŋgògù bəpsə wəŋ bəpsə yà'a duk. Mù sə duk bə nsàp bù nè co sè wo dukgè də wèŋ jəŋ tsoŋ ni' awèŋ sə nze, nə kuksə masinjaa Nwì wèŋ yà'a. Nsàap bùu yà'sə wèŋ dukgè də Nwì tsè' wo bum yè'sə co ndzənə lo vɛ'ɛ, ŋga wo sə nè mègù yà'sə ni' wà nè wà. Nsàap tsətsərè awo yà'sə mègù sə nzeŋgòŋ fən.

¹⁹ Fana wo sə kà bə Jisòs Krèst nè yi tu bohòvesùwèŋ nə mok be'lè. Bùu sè wo sə be'lè mvwe' mò'fis bə Jisòs Krèst wèŋ yà'a mègù wo sè wo jəgè ñàaŋ awo bohòyi, də ya wo sə kuk mvè'nè Nwì sə dzəm də wo kuk. Jisòs Krèst a gù cos nə ŋgòye mvwe' mò'fis, mvè'nè nzèhe ni' kotse'gè ŋgùpni' nə mvwe' mò'fis yè'e.

²⁰ Mù də wèŋ à kpɛ wəŋ Jisòs Krèst wèŋ, yòŋsəə sè ze' sè sə nze fɛɛŋ ka ñàŋ mok mətuhù wèŋ tse' àlaa. Njo nè wèŋ sə gu bwi bum co bəp bù nè nzeŋgònə tse' wo yi-e bùu yà? Njo nè wèŋ sə wəp mali nsàap lùk sè co də,

21 <<Kà yu yè'e jwèṅ, kà yè'e zɔ ja'a, nɔ kà yà'a kùm>> wèṅ bùu yà?

22 Nsàap lùuk sè ve'nɔ yè'e yà' mègù bə bum sè co ṅwèe zɔ-a yà', yà' me bisə wà. Nsàp yəyərè nà'nɔ, nà'a vè mègù bohòtsətsərè nè bwìṅ.

23 Bwìṅ tsərəgè də nsàap lùuk yà'sə bum ṅkərè bohòNwì, bùusè yà'a gùgè ṅwè bə ṅàṅ ṅgògù bum sè ṅgòkùksə Nwì, nɔ sə jə lònì' awo sə nze, nɔ sə fa nì' awo sə ṅgə' wèṅ. Bum yè'sə pwe'fo' yà'a wà nè wà. Yà' ka ṅàaṅ mok sè co yà' tɛsə ṅwè də ya nje yu nè ṅgùpni' ye sə dzəm zen kà yi ya tse'.

3

Jisòs Krest Bùsə Wèṅ

Bùu Sè Fi

1 Nè wèṅ a lòkok mɔwe' kpɔ wèṅ Jisòs Krest wèṅ laṅ fana wèṅ nɔṅsə gu ntum awèṅ bə bum sè yà'a ma mɔbu. Wèṅ fa ntum awèṅ ɛ fa'nɔ, bùusè yà'a mɔwe' sè Jisòs Krest cu fo' bo ma mà'a Nwì.

2 Wèṅ sə tsərə megu bum sè yà'a mbwa yà'sə, nɔ kà sè sə nze fɛɛṅ sə tsərè.

3 Bùsə bə bum sè ma sə nzeṅgòṅ fɛɛṅ, wèṅ yàwèṅ bə zen mok co bùu sè wo a kpɔ laṅ. Yòṅsə awèṅ mègù mok nè nà' cu bohòJisòs Krest ndzə bohòNwì, yi sə lòksə fa wèṅ nà'.

4 Jisòs Krest nè yi tse' yòṅsə awèṅ nè wèṅ cu ṅgà'a ṅwəm bùu yi nè kə yəṅ ntsə'mòk fana wèṅ yəṅ be'lə wenə wèṅ bəbɛ'. Wenə wèṅ nɔ yəṅ ntsə' ànə bə ṅàṅ ve'ɛ wùrìṅ.

⁵ Ye də wèeŋ zə ɡəsə bum sè yà' cu ndzə ni'i wèŋ sè yà'a bum nzeŋgòŋ co: ko sàhà, fwɛ', ŋgòdzəm bum sè yà'a bɔp, nə ye ŋgòwa ke'cà bum wèŋ. Bɔsè ŋgòwa ke'cà bum vɛ'nə ye də wèŋ sə kuksə yà' co Nwì.

⁶ Yà'a nsàap bum sè yà'a nə ɡu ŋkuŋ Nwì jok bohòbwiŋ, ŋgə' və.

⁷ Wèŋ à sə ɡì tɛp to mantombi fa' sənə nsàap bum yà'sə, ɡhà nè wèŋ à cu ntòca nà'a.

⁸ Nè ŋga'a nè'e mù sə tsə' wɛŋ də wèeŋ teŋsə nsàap bum yà'sə pwe'. Nwèe kà sə jòk, kà ntum cep, kà ŋwè ròm, kà liŋ ŋwè nəmòk bɔpsè, nə ye sè' də ncèep sè bɔp kà kè cùhu wèŋ sə tesè.

⁹ Kà ŋwè mvwès sè' ci' fa, bùusè wèŋ a mè'rə màk ncu ŋwè nè zəm nə bə fàak ye laŋ.

¹⁰ Wèŋ tse' ŋga'a mok ncu ŋwè nè fi. Nwè nè fi nè Nwì a ɡù ènə, yi ɡùgè nà' nùumbu pwe' ŋgòbòghaha lòmantombi ŋgòkə ye sè' co yi Nwì, ya wèeŋ sə riŋ ghaha lo yi mantombi sè'.

¹¹ Bɔsè wèeŋ mok bùu sè fi fana ŋwè nəmòk ka bohòwèŋ zok mok ye. Mòk ka mòk də nè'e ŋwèə Jus, nà'a ŋwè lakmvum, jàmŋgaŋ bə ŋwè nè sə ŋgəà ka mok sè' yeŋ. Mòk ka mok də nè'e ŋwè nè wo kom fa yi tu ŋwəmbam, nè'e ŋwè nè wo ka yi kom fa yeŋ, ŋkwèŋ bə molak wèeŋ mok bùè. Bwiŋ pwe' mègù mok mò'fis bùusè Jisòs Krɛst mègù sè' mò'fis nè yi tse' bwiŋ ma nè fòpwe' yi.

¹² Wèeŋ sə tsərə tse' də wèeŋ bùu sè Nwì a cokfis wɛŋ ŋgòye bùu ye, yi dzəm wɛŋ. Wèeŋ tse' koksəmanziŋ bohòbwiŋ, nə sə ɡu bəboŋ.

Wèen jəŋ ni' awèŋ sə nze, nə ye fùè, nə sə ko ntum sè'.

¹³ Kà də wèen sə jok ke'ca bum nènàk duk. A ye-a nga ɲwè nəmòk gu-a wu bəp, wù swifa yi. A ve'nə bùusè Tà Jisòs Krèst ànə swifa weŋ, wèŋ tse' ɲgòswifa bwìŋ yàwo sè'.

¹⁴ Bə bum yè'sə pwe', nè nà' gu gha' ca nə də, wèen tse' dzədzəm bohòbwìŋ. Nà'a zeŋ nè nà'a kì be'lə tse'gè bum pwe' mvwe' mò'fis mpaan nə mpaan.

¹⁵ Yusè wèŋ sə gu-a pwe', yà'a ye bə fifi nè Jisòs Krèst a fa weŋ. Busè Nwì a to benə vè weŋ co ni' nè mò'fis də ya wèen cum bə nsàp fifi ànə. Wèen cu wèŋ sə kwasə Nwì ghà nè fòlòon.

¹⁶ Wèen gu də ncèp Jisòs Krèst cum sə ntùù wèŋ nùumbu pwe'. Wèen sə yə'rə, nə sə tip bwìŋ bə ɲkərè. Yəm nsàp ɲkì zəzok ɲgòkùksə Nwì bə zeŋ. Wèen yəm, wèŋ sə kwasə Nwì sə ntùù wèŋ.

¹⁷ Fana a ye-a nga wèŋ sə gu-a sè yà kè wèen cep-a sè yumok pwe', yà' ye megu bə liŋ Tà Jisòs Krèst. Wèen sə kwasə Nwì nè yi tè' avès sè' bə liŋ ye sə.

Ncu Nè Bə Dzədzəm Munda'à

¹⁸ ɲgwe yuk bohòndum bùusè a kəkərè bohòTà də yà'a ye ve'nə.

¹⁹ Ndum dzəm ɲgwe yo, nə kà də wù sə gu yi co yi yu nè wà duk.

²⁰ Bwenke' wèen yuk duk ma bə tè' awèŋ, bùusè wèen gu ve'nə, Tà sə kwa bohòwèŋ.

²¹ Tè' bə ma, kà də wèen sə gu bwe awèŋ nsàp nè co wo sə te' ke'cà te'lə duk.

22 Wèṅ sè wèṅ fàkgè ṅkwèṅ bohòṅwè sè nze fən, wèṅ yuk duk masà awèṅ sè bə yusè wo sè tsè' wèṅ lòṅ. Kà də wu fàk mēgù ṅga masà yònə fo' ṅga yi kwasə wu duk. Fàak, nə kà lis maṅkwèṅ kùk, co ṅwè nè yi sə wəp Tà Nwì.

23 Bə yusè wù sə gù lòṅ, wù gɔ yà' bə ntəm nè mò'fis, bùsè wù sə kà yà' bohòṅwè gù fa mēgù. Wù sə gù fa yà' bohòTà Jisòs Krèst.

24 Tà Jisòs Krèst masà awèṅ yi. Wèṅ rì sè' də yi nə nè kè làk wèṅ bə bum sè bəboṅ sè yi gù nòṅsə fa bùu ye wèṅ.

25 ṅwè nè yi sə gɔ-a bup, wo nè kè làk yi sè' bə bup. Nwì kà ṅwè nəmòk gèm ko fagè.

4

1 Wèṅ sè wèṅ yàwèṅ masà, wèṅ kotse' bùu sè wo sə fàk ṅkwèṅ bohòwèṅ zìnə, nə sə gɔ wo bəboṅ. Wèṅ rì də wèṅ tse' ṅwè nəmòk nè yi masà bohòwèṅ sè', yi cu mabu.

Pol Sə Tip Fe'lə

Bùu Kòlosi Wèṅ

2 Wèṅ sə ləṅ pìriyà ghà yà lòṅ. Wèṅ nəm lis awèṅ to, nə sə kwasə Nwì.

3 Wèṅ sə ləṅ fa ves sè' də Nwì nè fa ves mandzè nè co vèes tsoho fa bwiṅ yusè səswihi sè Nwì a tsè' fa ves bə liṅ Jisòs Krèst sə. Mù cu yè' mu ndapndzəmè sè' bùu ncèp ènə.

4 Wèṅ ləṅ Nwì sè' də yi gɔ mu ya mu tsoho rəṅsə fa bwiṅ yà' mvè'nè mù tse' ṅgòtsè' fa wo sə.

⁵ Wèeη cu weη bùu sè wo ka bùu cos yeη, wèη cum ncu ηkərə. Ghà nè wèη tse'-a m̄mandzè pwe', wèη sè gu wo bèboη.

⁶ Ncèep cùu awèeη ye bəbwe', nə sə ləm co ci'. Nwè nəmòok fek-a weη yumok, wèη riη ηgòcèp fəsə fa yi bə mandzè nè bèboη.

Pol Sə Cèpsə Ləsə Wo

⁷ Tikikòs nè yi moma avès nè vès dzəm yi nə, yi nə kə tsoho fa weη mvè'nè mù cu pwe' yi. Yi fàkgè vesiwèη bohòTà Jisòs bə zinə ye pwe'.

⁸ Mù tumsə tsə gù yi bùu njo nè də ya wèeη riη mvè'nè ves cu fən. Nə ye sè' də ya yi gu ntəm awèeη sə kwa sè'.

⁹ Tikikòs nə, yi bə molak àwèη nè liη yee Ònisimù nà'a bəbɛ'. Yi sè' moma àvès nè vès dzəm yi. Yi fàkgè bohòJisòs sè' bə zinə ye pwe'. A wo sè wo nə tsoho fa weη bum sè yà' a ye fèeη pwe'.

¹⁰ Aritakònè vesi cu ndapndzəm cèpsə weη pwe'. Mak nè yi motè'ε Bànabà nà'a cèpsə weη sè'. Mù à tip weη laη də Mak nə kè tsèη-a weη, wèη gu yi bèboη.

¹¹ Jisòs nè liη ye mòok Jostòs nà'a sə cèpsə weη sè' bèboη. Bùu Jus sè vesiwèη sə fàk bəbɛ' mègù wo sè tɛ' yà'sə. Vesiwèη sə fàk ηgògù co bwìη riη gaη ηkum Nwì sə ntùù wo. Wo a tɛsə jə m̄ vɛ'ε nsàp nè ntəm boη m̄.

¹² Epafərəs nè yi sè' molak àwèη cèpsə weη bèboη. Yi sè' ηgà fàk Jisòs Krɛst. Yi lɛηgè Nwì m̄ tuhù wèη bə ηàη də wèeη kuk bə bum sè ma nè Nwì pwe'. Də wèeη riη bum sè Nwì sə dzəm, nə sə yuk duk ye.

¹³ Mù a yə bə lis am mvə'nè yi a fàk guguŋ bùu wèŋ, wèŋ bùu lak Kòlosi bə sè Làòdisiyà nə ye lak Hìràpolis.

¹⁴ Luk nè yi doktà àvès, nè a dzəm yi wùriŋ, nə ye Dimà wèŋ cèpsə wəŋ bəboŋ.

¹⁵ Cèpsə fa mɔ bwema sè mvwe' lak Làòdisiyà bəboŋ. Cèpsə Nimfà bə cos nè munda'à yi nà'a sè'.

¹⁶ Wèŋ ta ŋwàk nè'e, wèŋ tum fa cos nè mvwe' lak Làòdisiyà ya wo taŋ nà' sè'. Wèŋ taŋ ŋwàk nè Làòdisiyà nə tumsə fa wəŋ nà'a sè'.

¹⁷ Wèŋ tsok fa Akipòdə mù duk də, yi fak wes fàak sè Tà a fa ndzə bohòyi yà'a.

¹⁸ Mùu Pol, mù còm fa wəŋ cècèpsə nè'e mok bə bo yàm. Wèŋ sə tsərə kwan sè mù cu bə zeŋ yè'e. Bəbo nè Nwii ye bohòwèŋ lòŋ.

Nwàk Nwì Ma Rùk Nè Fi
New Testament in Yamba

copyright © 2011 Wycliffe Bible Translators, Inc.

Language: (Yamba)

Contributor: Wycliffe Bible Translators, Inc.

All rights reserved.

2020-12-01

PDF generated using Haiola and XeLaTeX on 18 Apr 2025 from source
files dated 29 Jan 2022

c475d5b3-da44-51cf-93ca-f255b72fe481